

U skladu sa članom 9. Zakona o izmirenju obaveza po osnovu računa stare devizne štednje („Službeni glasnik BiH“, broj: 28/06, 76/06 i 72/07), a u vezi sa čl.4. i 5. Zakona o izmirenju obaveza po osnovu računa stare devizne štednje emisijom obveznica u Brčko distriktu BiH („Službeni glasnik Brčko distrikta BiH“ br.16/09), Direkcija za finansije Brčko distrikta BiH, objavljuje

P O Z I V

za verifikaciju računa stare devizne štednje

1. Pozivaju se potražiocu računa stare devizne štednje koji to do sada nisu učinili, da izvrše verifikaciju računa stare devizne štednje deponovane do 31.12.1991. godine u filijalama banaka sa sjedištem na teritoriji Brčko distrikta BiH, radi provjere iznosa računa stare devizne štednje svakog potražioca i registracije svih potraživanja po osnovu računa stare devizne štednje i izmirivanja istog u skladu sa Zakonom.
2. Zahtjev za verifikaciju računa stare devizne štednje podnosi se Agenciji za posredničke, informatičke i finansijske usluge, Banja Luka, Filijala Brčko (Agencija) u periodu:

od 15.03.2010. do 15.10.2010. godine

na obrascu, koji se može dobiti u poslovnim prostorijama Agencije u Brčkom, u ul. Safvetbega Bašagića br.1.(zgrada „Most“).

3. Za potrebe verifikacije računa, potražilac računa stare devizne štednje, dužan je da lično ili putem ovlaštenog punomoćnika podnese Agenciji sljedeću dokumentaciju:
 - a) zahtjev za verifikaciju računa stare devizne štednje;
 - b) originalnu deviznu štednu knjižicu potražioca ili drugu originalnu bankovnu dokumentaciju, ugovor ili karticu kojom je račun stare devizne štednje otvoren;
 - c) pravosnažno sudsko rješenje o nasljeđivanju, ako je račun stare devizne štednje stečen nasljeđivanjem;
 - d) ličnu kartu ili pasoš potražioca;
 - e) rodni list za maloljetne potražioce;
 - f) punomoć ovjerenu kod nadležnog organa u slučaju kada punomoćnik djeluje u ime potražioca;
 - g) ličnu kartu ili pasoš punomoćnika;
 - h) pravovaljan darovni ugovor ako je račun stare devizne štednje poklonjen drugom licu;
 - i) sve ostale dokumente koji mogu pomoći verifikaciji, uključujući račune, fakture ili neke druge dokumente u kojima je evidentiran iznos ili vlasništvo nad računima stare devizne štednje.

Potražilac računa stare devizne štednje je, takođe, dužan dostaviti broj bankarskog računa otvorenog u bilo kojoj banci na teritoriji Bosne i Hercegovine, na koji će se vršiti prenos sredstava po osnovu gotovinske isplate i svih budućih isplata po osnovu računa stare devizne štednje.

4. Dodatne informacije u vezi sa postupkom verifikacije mogu se dobiti kod Agencije na telefon br.049/216-962 ili kod Direkcije za finansije na telefon br.049/215-667 svakog radnog dana kao i na internet adresi Direkcije za finansije Brčko distrikt BiH:

<http://www.bdcentral.net>

1. Izabrati : Direkcija za finansije

2. Zatim:Trezor.



Direkcija za finansije Brčko distrikta BiH

Direktor,
Mato Lučić